

ЛЕНИНЭНЬ КИЯВА

65 (149) №
1937 июнь
Августонь
19-це чи

ВКП(б)-нь Клявлинань райкомонтъ ды райисполкомонтъ газетаст

Комбайнертнэнь соцпелькстамост

Комбайнерось Балыков Алексей тейсь соцпелькстамоць договор комбайнеронтъ Медяковонь марто парсте комбайнасо роботамонь коряс ды комбайнасо ламо сюронь пурнамонь коряс.

Комбайнерось Балыков роботы Максим Горький лемсэ колхойсэ. Сюронь пурнамонь васень читнестэ сазь августонь 15-це чис пурнась суро 187 гектарт. Чинь выработканзо пачтизе 22 гектарс. Роботамонь качествазо паро.

Комбайнерось Медяков роботы Бор-Игаронь вельсоветсэ „Искра“ колхойсэ. Августонь 15-це чис весемезэ пурнась суро 167 гектарт. Чинь выработканзо пачтякшнызе 20 гектарс. Улить таркат, косо кадриность ламо апок керя колост. Комбайнастонтъ сюронь чамдомась организовазь берянтэ, сюронь чамдоманть шкасто комбайнась лоткавтеви, секскак Медяков ялгась кадовсь Балыков ялганть эйстэ.

Комбайнерось Ильин Григорий пельксты комбайнеронтъ Ильин Иван марто. Ильин Иван роботы „Правда“ колхойсэнтэ, весемезэ пурнась 181 гектар. Ильин Григорий роботы Р. Добринань вельсоветсэ Р.К.К.А. лемсэ колхойсэнтэ, весемезэ пурнась 94 гектарт.

Комбайнерось Малинников пельксты комбайнеронтъ Князевонь марто. Малинников пурнась 130 гектарт. Князев пурнась 82 гектарт.

Весемезэ берянтэ роботы комбайнерось Веденеев, кона пурнась ансяк 64 гектарт. Сон пельксты комбайнеронтъ Кудряшевонь марто. Кудряшев весемезэ пурнась 135 гектарт.

Комбайнертнэ всист удалов кадовумаст должны ловомс ды парсте организовамс комбайнасо роботанть. Колхозонь руководителтне должны максомс комбайнертнэнь роботазост покш лезкс, а нолдамс аштеме комбайнатнень.

ТОНАВТНИЦЯТНЕ ТАРГИТЬ КСНАВ

Те иестэ Ташто Байтермишень Дзержинской лемсэ колхозось видсь 15 гектарт кснав „Виктория“. Ней те кснавось кенерсь ды кундасть сонзэ эйсэ пурнамо. Хаталабораториянь заведующеесь Сураев П. С., конань наблюдениян зо ало кайсь ды кенерсь те кснавось, сонзэ пурнамо мобилизовине тонавтницятнень. Вете чис эйкакшнэ пурнасть кснав 10 гектарт, неть читнестэ роботасть вадрясто.

Кснавонь таргамосо сех парсте роботасть тонавтницятне Меньжаева Вера, Максимова Анна, конатне эсть тейне вейкеяк прогул ды роботасть ударнойстэ. Но эйкакшнэнь ютксо улить берянтэ роботыцяткак. Сех б е р я н с т э роботасть 1 ды 4-це бригадань

эйкакшнэ. Вана сын: Сураева Елизавета, Янинна Лена, Зубарева Клавдия ды Зубарева Ольга. Нетьнеде берянтэ уш кияк эзь работа.

Тедэ башка эряви меремс, што враждебной элементнэнь пуло пельксет нолдасть эйкакшнэнь ютксо куля, што колхозонь правлениясь роботань кисэ сынненст трудоденть а сермады. Неть кулацкой валтнэ теизь всист тевест. Ламо эйкакшт лоткасть роботас якаmodo, ламот кармасть берянтэ роботамо. Колхозонь руководителтне шкастонзо эсть максо кеме отпор неть кулацкой валтнэвэнь, эзизь ливте лангс неть валтнэнь нолдыцят ды эзизь толкува эйкакшнэнень кода алукс тевесь ашти. Сураев

САЕМС ПРИМЕР УДАРНИЦЯТНЭНЬ ЭЙСТЭ

Обильной урожаенть шкасто пурнамось максы паро условия колхозникень зажиточной эрямонь теемантень. Те условиянт лад чаркодизь Каганович лемсэ колхозонь колмоце бригадань колхозницятне Малинникова А., Григорьева Е., Максимова Ф., Паркаева А. Сынь весе вейке звенасо. Роботыть лобогрейка мельга пултонь сюлмацякс. Сюлмамонь нор-

манть топавтыть 165 проценс. Роботавксонтъ качествазо паро.

Теке бригадасонтъ улить колхозницят Пурняева Е., Королева П., Вотрина Т., Григорьева А., конатат вейсэнь роботанть полавтызь вирьга якамо лангс, а колхозонь правлениясь кодаткак мерат не нузякс колхозницятнень марто а прими.

Г. Семенов

Советской Союзонь Героенть М. М. Громовонь тетязо-авазо ды „русской авиациянь дедась“ Россинский (М. М. Громовонь учителезэ) кучтсть Сталин ялгантень серма, конасонтъ сонзэ благодарят сынст цераст ды тонавтницят мельга заботамонтъ кисэ.



(Керш ендо вить енов) М. М. Громовонь тетязо—М. К. Громов, „русской авиациянь дедась“ Б. И. Россинский ды М. М. Громовонь авазо—Л. Н. Громова сермадыть Сталин ялгантень серманть.

ДЗЕРЖИНСКОЕНЬ ЛЕМСЭ КОЛХОЗОСЬ АНОКСТЫ ВЕЛЬХОЗЯЙСТВАНЬ ВЫСТАВКАНТЕНЬ

Дзержинскоень лемсэ колхозонь лабораториянь кудось аноксты велень хозяйствавнь выставкантень.

Лабораториянь кудонь заведующеесь Сураев ялгась кочкеси экспонатт эрва участкянтъ лангсто.

Течемень чис кочказь экспонатт ансяк зерновой культурань коряс.

Но Сураев ялгась аноксты „Безенчук 0,1“ ды

„Безенчук 0,2“ просавь экспонатонь кочксемантеньгак, конась (просавь) Сураев ялганть стараямонзо троке ульнесь явшезь районь келес.

Истя жо сон максы панцерной чиньчарамонь, куяронь, дынань, арбузонь, морковонь, столовой свеклань, соянь ды эрва кодамо сортонь кснавонь образецт, конатнень Сураев ялгась арси явшемест (распространить) районь келес.

Шкасто топавтомс государствас сывелень ускоманть

Государствас сывелень оень, понань максомань плантнэнь шкасто топавтомань покш значениядост а меств кортамскак. Но апок вант тень лангс неть плантнэнь топавтомаст моли берянтэ. Кой-кона руководителтне сынсь сезить те тевенть эйсэ. Вана сайсынек Каганович лемсэ колхозонь председателенть Максимовонь, конась эсинзэ скалонзо максызе государствас сывелень максомань счетс, но яла теке сон эсинзэ сывелень максомань планонзо эссе топавтом секс, што те ска-

сонть сон топавтызе башка колхозниктнэнь планост.

Колхозонь председателенть истят машинациянзо лангс ванозь а пандыть сывелень планонть Максимов Ф.И., Прягаев Максим, Куликов Моисей, Шкарин Степан, Шкарин Петр, Пискаев Спиридон. Неть ялгатнень улить весе возможностьест, штобу шкасто ды сядо проценс топавтомс сывелень максомань планост. Но тень лангс апок ванозь, сынсь сознательна сезить те тевенть эйсэ.

Шамкин

А вети политзанятия комсомолецтнэнь марто

Клявлинань ВЛКСМ-нь райкомось штатной пропагандистэнтень Кожевниковнэнь Е. максокшнось политшколань ветямо „Степан Разин“ ды „Войков“ колхозтнэс.

Ютасть уш вете политзанятиянь теемань чить, но сон „Степан Разинэнь“ колхозонь комсомольской организациянтень эзь появакшнояк,

Кожевников „Войков“ колхойсэнтэ артни тарангазо партиянь райкомонь ды райисполкомонь уполномоченноень таркас, но политшколань ветямонтъ стувтызе.

ВЛКСМ-нь райкомонтень эряви ледстямс Кожевниковонь мельс политшколань ветямонь роботанть.

Ифс

Зернанть човорить мода марто

„Каганович“ колхозсо августонь 10-це чистэ сюронь ледеме ульнестэ арвтозь ниле лобогрейкат, конатнень эйсэ должен усксемс трактор. Пултонь сюлмамо лобогрейкатнень мельга ульнестэ кучозь 28 ломанть. Бригадиртнэ ды колхозонь председателесь Максимов И. Ф. арсесть роботань парсте ютавтома. Тевесь лись мекев ланг.

Валске марто пултонь сюлмицятне мольть роботамо таркантень. Тракторось, кона кармаволь усксеме лобогрейкатнень, аноколь. Тевесь аштесь лобогрейкатнень кис, сын ульнестэ аволь анокт. Роботас кучонь ломантне аштесть роботавтомо. Те шкастонть бригадиртнэ ды Максимов эсть яка паксяв.

Теке чинть колхозонь тинге лангсо Максимовонь берянь руководстванзо кувалт молотилкань мельга олго усксицятне тингень келес мода марто човоремавьтэ ламо пондт зернат.

Истя жо берянтэ „Каганович“ колхозонь руководителтнень арвтозь мелест государствас сюронь ускомасонтъ сестэ, кода планонь нурыка шкас топавтомасо улить весе условиянзо. Шамкин.

Куйбышевской районь Куйбышев лемсэ колхозось аноксты зерновой культурань образецт Весесоюзной вельхозяйствавнь выставкантень, конась ули 1938 иестэ.



СНИМКАСОНТЬ: колхозонь семеноводось П. В. Шаманов кочкеси розонь образецт Весесоюзной вельхозяйствавнь выставкас.

ВАНЫЗЬ—17 ЛОМАНТЬ

Августонь 17-це чистэ „Войков“ колхозсо ульнестэ невтезь кинокартина, но кинонь механикесь Бородулин сонзэ невтизе велесэ, косо аламо ульнестэ колхозникт, секскак картинанть ваномо якасть ансяк 7—8 эйкакшт ды кемешка сыре ломанть. Рабочей колхозниктнэ ульнестэ паксясо ды картинанть допрок эзизь нее. Колхозонь правленияськак эзь заботя, штобу те картинанть невтемс колхозниктнэнь ютксо.

